

心香熱起唱行香真樂真閑興味長便覺眉頭無利鎖何愁身上有名韉昔年曾作肥家子今日還爲出舍郎到此逍遙常自在哩唻哩囉又何妨

贈眾道契

修行何處用功夫馬劣猿顛速剪除牢捉牢擒生五彩暫停暫住免三塗稍令自在神丹漏略放從容玉性枯酒色氣財心不盡得玄得妙恰如無

又

道人財色酒雖無一點無明著甚除惡念不生歸瑩素觸來勿競證元初我人起處愁無極煙火消時樂有餘欲學神仙須

道藏輯要

漸悟集

至

胃集七

忍辱莫交燒了那真如

聞鄉人來到以詞聊代家書

斬釘截鐵不思家永絕狐疑永棄家足履白雲尋羽客杖挑明月訪仙家鄉中園館非吾宅物外蓬瀛是我家自在逍遙無宿慮何須重話舊時家

又

人人學道總勞勞箇箇心高志不高煙火靡除生怨惡塵情不斷起貪饕欲搜玄妙消三業猛向根芽下一刀常淨常清常忍辱無爲無作列仙曹

又